

ARDIAK LERRO LERRO

Ardiak lerro lerro mendi maldan doatzi
Haize firfira batek deituz gorago beti
Ibai zola erreketan denak lotan sartzen dira

Zoin amultsua zautan gaua jausten mendira.

ho ho ho...

Egunaz ixil bazen gauaz pizten mendia
Belar punta bakotxak nasai dakar bizia
Gaztain ondotan kukuak joiten dauku soinua

Eta izarrekilan pestan dugu zerua.

ho ho ho...

Orroituko naiz beti Arradoiko bazterrez
Horrarat so gelditu bainaiz maiz bi begiez
Bainan orain ezin dut nik zangorik hor finkatu

Bizi bihurri hunek bainau hortik urrundu.

ho ho ho...(x4)
